



Synfocity = 1020

mail us at : mzsinfo@gmail.com; mizoramsynod@gmail.com - Phone - 2314648

February 12, 2026

❑ Synod Finance Committee vawi 157-na an ðu

February 12, 2026 (Ningani) chawhma dar 10 khan J.M. Lloyd Hall, Synod Office-ah Synod Finance Committee vawi 157-na an ðu.

Meeting hi Rev. John Raldosanga, Synod Moderator-in a kaihruai a, Rev. Dr. K. Lallawmzuala, Finance Officer-in report a pe. Report-ah hian Bial leh Kohhran hrang hrangah Finance Campaign leh Account Training neih a nih thu te, FCRA Account-a pawisa dawn pek chhuah a nih thu te, Income Tax chungchanga Income Tax Sub-committee hmalakna te leh April 2025 - January 2026 chhunga sum dinhmun te tarlan a ni.

Tun ðumah hian thurel tura chhawpchuah 9 a awm a, chung zingah chuan sum hman dilna chungchang te, budget hman khum dilna chungchang te, Synod PAN card hman chungchang te leh 2025-2026 chhunga Synod Sum audit-tu tur Chartered Accountant ruat chungchang te chu a langsar zual te an ni.

❑ Kum 2025 chhunga Mission Field hrang hranga belhtu thar neih dan hetiang hi a ni:

S.No	Field	Total	S.No	Field	Total
1.	Arunachal & Assam Mission (East)	69	12.	Upper Assam	51
2.	Arunachal & Assam Mission (North)	44	13.	Calcutta	828
3.	Arunachal & Assam Mission (West)	80	14.	Lucknow	19
4.	Assam	80	15.	Nepal	153
5.	Barak Area	66	16.	Odisha	115
6.	Delhi	139	17.	Patna	220
7.	Home Mission North	43	18.	Siliguri	92
8.	Home Mission South	50	19.	Tripura	1239
9.	Cachar Tlangram	55	20.	Masihi Sangati	3318
10.	Jharkhand	376	21.	Cambodia	23
11.	Karbi Anglong	180		Belh khawm	7240

❑ KTP

Bial KTP Conference laia KTP member vanduaina tawkte hnenah Central KTP chuan hetiang hian damlo kannah leh ralna hun a hmang:

◆ Pu Ruatsanga, Mualthum Branch, Thaidawr Bial chu January 30, 2026 (Zirtawpni) khan Pu Lalruatfela, Asst. Leader leh Tv. Lalrinsanga Varte, Committee Member ten an chenna inah an ral.

◆ Pu Lalnunzira, Luangpaw, Phullen Vengthar Bial leh Tv. Lalrinsama, Lamzawl Branch, Ngopa Bial te chu January 30, 2026 (Zirtawpni) khan OB ten Synod Hospital, Durtlangah an kan.

◆ Pu Ricky Lalthansanga leh Pu Lallawmsanga, Luangpaw Branch, Phullen Vengthar Bial te chu February 3, 2026 (Thawhlehi) khan Pu C. Lalkhawngaiha, Asst. Secretary, T.Upa Rinsailova Sailo, Treasurer leh committee member te, T.Upa Lalremsiama Khiangte leh Upa Lalbiakfela ten an chenna inah an ral.

Damlo kannah leh mitthi ralna sum te hi Chhawmdawlina pual ðumkhat KTP inkhawm thawhlawm lak khawm aþanga pek a ni.

❑ Synfo

February 12, 2026 (Ningani) hian February 26 - March 1, 2026 chhunga KTP General Conference neih tura video cover dan tur leh Live telecast dan tur en felin Synod Information & Publicity (Synfo) aþangin Production Team member 4 te Saitualah an kal a. Production Control Room tur te, Camera khai dan tur te, internet connection chungchang leh thil ðul dangte an buaipui a ni.

Mizoram Synod hnuai inkhawmpui lian leh tã zawng zawng hi Synod Information & Publicity (Synfo) chuan Live-in a pe chhuak ðhin a. Tun ðum KTP General Conference pawh hi Live-a pe chhuak turin a inbuatsaih mek a, Mizoram Synod-in media a neih pahnih - Hruaina Eng leh Synod Information YouTube-ah Live tura ruahman a ni.

❑ **Trust**

February 13, 2026 (Zirtawpni) hian Buarpui Pastor Quarters chei that tur en puiin Pu Lalramenga Royte, JE a kal ang.

❑ **MSSU**

◆ February 13, 2026 (Zirtawpni) zan hian Sunday School Zirtirtu training neihpui turin trainer-te hetiang hian an chhuak ang:

Khatla South Kohhran Upa H. Lalnghinglova

Tuikhuahtlang Kohhran Upa Hrilthansanga, Upa Lalsiammawia Pachuau leh Upa Dr. Lalhmachhuana

◆ February 14, 2026 (Inrinni) hian Sunday School Zirtirtu training neihpui turin trainer-te hetiang hian an chhuak ang:

Zemabawk East Kohhran Upa K. Vanlalngbaka, Upa Zionparlawma leh Upa Lalliantluanga

Zembawk North Kohhran Upa Lalthanchhunga leh Upa V. Lalrindika

Zamuang Bial Upa B. Lalhmunliana, Upa S. Kapzathanga leh Upa B. Malsawmtluanga

❑ **Social Front**

◆ February 14-15, 2026 chung hian Ruihhlo & Social Media, HIV/AIDS leh Drugs Awareness Campaign nei turin campaigner-te hetiang hian an chhuak ang:

Khawlailung Bial Upa Lalnunsiana Khalthang

Dr. Robert S. Halliday

Rev. Dr. Malsawmzoliana

Rev. Z. John Malsawma Colney

Chiahpui Kohhran Upa H. Lalnghinglova

◆ February 16, 2026 (Thawhtanni) zan hian Tuithiang Kohhranah HIV/AIDS & Ruihhlo Awareness Campaign nei turin Upa C. Chawngthantluanga, campaigner a kal ang.

❑ **Presbyterian English School (PES)**

February 15, 2026 (Pathianni) hian Serchhip Bialah PES Campaign nei turin Rev. Dr. Rosiamliana Tochwawng, Executive Secretary i/c Education, Upa PC Vanlalhruaia, Supervisor of Schools, Pu K. Lallianzuala, Secretary, Education Board leh committee member-te, Rev. Malsawmdawngliana leh Upa Dr. Lalrinmawia te an kal ang.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Bunghmun North	Damlo	2	₹ 20,000/-
2.	Sihphir	Damlo	2	₹ 20,000/-
3.	Bukpui	In kang	1	₹ 12,000/-
4.	Mauchar	Damlo	1	₹ 10,000/-
5.	Palsang	Damlo	1	₹ 10,000/-
6.	Rajivnagar	Damlo	1	₹ 10,000/-
7.	Zawngin	Damlo	1	₹ 10,000/-
			Belh khawm	₹ 92,000/-

January 2026 chungah harsatna hrang hrang tawkte hnena Synod Relief Fund atanga chhawmdawlina sem zat chu ₹ 2,20,000/- a ni.

❑ **Hruaina Eng TV Programme**

12.2.2026 (Ningani) 08:30 pm : Thupui zir bing

13.2.2026 (Zirtawpni) 05:00 pm : Kristian Naupang Pual

14.2.2026 (Inrinni) 05:30 pm : Puitling Sunday School Zirlai

15.2.2026 (Pathianni) 07:00 am : Sermon - Upa Lalbeiseia

08:00 am : Weekly round up

17.2.2026 (Thawhlejni) 06:00 pm : Nilai zan thupui

08:30 pm : Kohhran Chanchin - Zemabawk Kawnveng Kohhran

- ❑ **FM Zoawi - Aizawl & Lunglei : Hruaina Eng Radio Programme**
February 13, 2026 (Zirtawpni) @ 7:30 p.m. :
Solo : Lalnuchhungi Sailo - Lalpa i tan
Zaipawl : Durtlang Bial Zaipawl - Nitinin Thlemna
Thusawi : Upa Lalhmachhuana - Pathian thlamuanna dawwna kawng
Solo : Lalrammuani - Chatuan ram mawi
Zaipawl : East Phaileng Bial Zaipawl - Hmangaihnaa khat Pathian
- ❑ **Moderator leh Executive Secretary-te Programme :**
Rev. John Raldosanga, Moderator Prog:
Feb. 13, 2026 MTC leh Trust Committee
Feb. 14-15, 2026 Hliappui Bial tlawh
Feb. 17, 2026 Trust & Central Kohhran Hmeichhe Committee
- Rev. V.L. Luaia Hranleh, Senior Executive Secretary Prog:**
Feb. 13, 2026 Theological Education Board (TEB)
Feb. 17, 2026 Trust Committee, Service Rules & RR Enthatu Committee leh Revival programme
- Rev. Dr. K. Lallawmzuala, Executive Secretary Prog:**
Feb. 13-15, 2026 Upa Training, Zawlnuam Bial
Feb. 17, 2026 Trust Committee, Central Kohhran Hmeichhe Committee leh Hmangaihna In Rising Day lawmna hmanpui
Feb. 22, 2026 Luangmual Vengthlang Kohhran
- Rev. Dr. Rosiamliana Tochwawng, Executive Secretary Prog:**
Feb. 13, 2026 MTC leh Trust Committee
Feb. 15, 2026 PES Campaign, Serchhip Bial
Feb. 16, 2026 CKTP Committee
Feb. 17, 2026 Trust Committee, Home Mission North Committee leh Worship Cell
- February 18-a Synod Service Board leh ni 19-a Synod Officers' Meeting (OM)-ah te Moderator leh Executive Secretary-te an thu ang.**

MISSIONARY TRAINING COLLEGE (MTC) HRIATTIRNA

Missionary Training College (MTC), Mission Vengthlang-ah Bachelor of Missiology (B.Miss) zir duh tan dil theih a ni leh ta. Dilna Form leh Prospectus hi Rs. 50/- in office hun chungin MTC Office-ah ni 1 October, 2025 atangin lak chhuah theih a ni e. Application Form hi MTC website: <https://www.mtc.edu.in>- ah download theih a ni bawk ang.

Dil thei chin : Cl- XII pass chin
Dilna theh luh hun hnuhnung : Ni 27 February, 2026 (Friday)
Entrance Test : Ni 10 March, 2026 (Tuesday); 9:30 A.M @ MTC, Mission Vengthlang
Interview : Ni 12 March, 2026 (Thursday); 10:30 A.M
@ Committee Room I, Synod Office, Mission Veng

Sd/-
Rev. Lalfakzuala
Principal
Missionary Training College
Mission Vengthlang
Ph. No. : 9818719321/9612164982

RAWNGBAWL HNA RUAK DIL THEIH

A hnuai tarlan rawngbawl hna hrang hrangte hi Mizoram Presbyterian Kohhran hnuai a ruak a. Mizoram Presbyterian Kohhran mi, rawngbawl tura Pathian kohna hria, kum 18-35 inkar, ni 31.3.2026 (Zirtawpni) a kum 35 la pumhlum lo, zuk leh hmuam leh ruihtheih thila fihlim tan dil theih a ni. Dilna form hi Synod Service Board, Aizawl leh Synod Office, Lunglei atangin lak theih a ni ang a. Synod Service Board Office, Aizawlah thehluh leh tur a ni. Dilna form man Rs. 20/- a ni a, dilna form-ah hriat tur pawimawh tarlan a ni.

Synod Hospital-a thawk tur (Contract)

1. **Hna hming** : **Maintenance Technician (1)**
 Thiamna : PUC/HSSLC of any recognised university with ITI Diploma recognised by government
 Hlawh : Synod hnuai Maintenance Technician contract hlawh

2. **Hna hming** : **Driver (1)**
 Thiamna : Class VIII Certificate holder having a valid professional driving license (LMV & HMV)
 Hlawh : Synod hnuai Driver contract hlawh

Dilna form hi ni 10.2.2026 (Thawhlehi) atangin lak theih a ni ang.

Dilna hi ni 10.3.2026 (Thawhlehi) dar 3:00 pm thleng thehluh theih a ni ang.

Written test : Ni 20.3.2026 (Zirtawpni) dar 10:30 am

Written test neihna hmun tur chu la inhriattir leh a ni ang.

Interview : Ni 31.3.2026 (Thawhlehi) dar 10:30 am.

Sd/-

Rev. V.L. Luaia Hranleh
 Secretary
 Synod Service Board

SIKULPUI ADMISSION : 2026 - 2027

Pawl 2 - Pawl 7 :

Dilna Form lak chhuah leh theh luh hun – February 16 - 27, 2026 (Office hun chungin)

List tar chhuah hun - March 3, 2026 (10:00 AM)

Admission tih hun - March 3, 2026 (10:00 AM -2:00 PM)